

TABAKALERAKO UBIK liburutegiko bitartekarien lan egoerari buruzko

KONTROL MOZIOA

Amaia Almirall Lopez de Luzuriaga EH BILDU udal taldeko zinegotziak, Udalbatzaren Organo Araudiko 98. artikulua oinarri, mozio hau aurkezten du, Udalbatzan azter dadin. Mozioa 2018ko urriaren 12ko Pertsonentzako Zerbitzuetako Batzordean aztertutako interpelazioaren ondorioa da.

JUSTIFIKAZIOA

2017ko abenduan TABAKALERA zentroko Administrazio Kontseiluko kideei zuzendu zieten Ubik mediatekako bitartekariak. Martxoan zuzendaritzaren aldetik adierazi zitzaigun gaia bideratzen ari zirela, bilkurak eginez, hainbat akordiotara ailegatu zirela, besteak beste, soldataren egoera.

Hasierako hobekuntza gutxietsi gabe, argi dago bi ikuspegi egon direla gatazkari dagokionez eta balizko konponketari dagokionez: zuzendaritza gaia konponduta zegoelakoan; langileen artean, aldiz, dagozkien hobekuntzetatik oraindik ere urrun daudela. Hasieratik gaiari jarraipena egin diogu bai langileen ordezkariekin bai zuzendaritzarekin eta behin baino gehiagotan eskatu dugu gaia Kontseiluan bertan lantzeko, azkena urriaren 23ko Administrazio Kontseiluaren bilkurari begira, langileen beraien presentzia eskatu genuenean. Presidenteak hori baztertu zuenez, egoera konpontze aldera, langileekin zuzenean elkartzeko, haien lehentasunak eta eskaera zehatzak argitzeko eta kontseilukideoi horren berri emateko eskatu genuen.

Urriaren 31n UBIK liburutegiko bitartekariak Udalbatza osoari luzatu diote eskaera zehatza: Udalaren esku dagoen guztia egiteko, Udal Gobernuaren inplikazio errealaren negoziazioan eta pleguen berrikuspenean, lan baldintzak hobetzeko. Idatzi hau Tabakalerako presidentek gaia bideratu ez izanaren seinaleztat hartuta, interpelazioa aurkeztu genuen hilabetearen hasieran.

Tabakalerak izaera propioa duela eta burujabe dela azpimarratu zitzaigun azaroaren 12ko batzordean. Eta zalantzarik ez dago Kultura Garaikidearen Nazioarteko Zentroa S.A. (Tabakalera) delakoaren aparteko izaeraz. Azaldu zitzaigun bertan ez dagoela Udal Gobernu baizik eta alderdi batzuen ordezkariak. Aldiz, bertan diren kontseilariak Udalak izendatzen ditu, Tabakalera Udalarekin lotuta dagoelako, Eusko Jaurlaritzarekin edo Gipuzkoako Foru Aldundiarekin dagoen bezala. Horregatik urtero kantitate garrantzitsua bideratzen zaio udal aurrekontutik erakundeari. Ireki bitartean, Udala izan baita erakundearen bultzatzaile nagusia duela urte askotatik. Aurreikusia dagoelako txandaka bertako presidentea Donostiako alkatea izango dela; orain den bezala. Tabakalerako presidentetza Eneko Goia alkate jaunak hartu duenez, Udal Gobernu buru den heinean eta Tabakalerako presidente den heinean, gaiarekiko erantzukizun bikoitza du.

Digresio organiko instituzionalak alde batera utzita, gaiaren muina da ea langileen egoera konpondu den edo konpontze bidean den. Eta errealitatea da berriki lanuzteak egingo dituztela

EH Bildu talde politikoa

Grupo político EH Bildu

Ijentea, 1 - 20003 Donostia
Tel. 943481027 eh_bildu@donostia.eus-- www.donostia.ehbildu.eus -

iragarri dutela eta, beraz, gaia ez dela bideratu eta are eta gutxiago konpondu. Hortik ondorioztatu behar dugu bilera ez dela egin, hori zalantzan jarri zitekeen, baina batzordean bertan ziren langileei galdetzea besterik ez zegoen.

Hemendik aurrera gaia UBIK liburutegia kudeatzen duen enpresaren eta bertako langileen artean konpondu beharrekoa dela entzuteko arriskua dago, edo Tabakalerako zuzendaritzari dagokion gaia dela. Izan ere Batzordean zuzendaritzarengan konfidantza izateko beharra azpimarratu zitzaigun. Konfidantza osoa eduki daiteke, hori ez da kontua eta horrek ez du kentzen Udal Gobernuak, bereziki alkateak, egin dezakeen bitartekaritza lana gatazka honetan beste hainbatetan egin den bezala.

Horiek horrela, honako hau da behean sinatzen duen zinegotziak aurkeztutako **KONTROL MOZIOA**:

Donostiako Udalbatzak Udal Gobernuari eta alkateari hertsiki eskatzen die Kultura Garaikidearen Nazioarteko Zentroa S.A. (Tabakalera) delakoaren UBIK liburutegiko bitartekarien kolektiboarekin elkartzeko, langileek dituzten eskaera zehatzak ezagutze aldera eta lehentasunak ongi identifikatze aldera, eta horrela bertan duten gatazkan bitartekaritza lana bideratzeko.

Donostian, 2018ko azaroaren 15ean

Amaia Almirall Lopez de Luzuriaga
EH BILDU udal taldeko zinegotzia